


La poesia in dialetto “*A nostra parlata*” di *Mario Sala*,
pubblicata sulla copertina del “*Lûnäio de Väze*” del 2023

 **U Campanin Russu**
Aderente a-a Consulta Ligure

 **Parco del Beigua**
UNESCO Global Geopark

Lûnäio de Väze 2023

40^a edission



A nostra parlata

U l'è quarcosa cu te nasce n' drentu
cu munta sciu dau coeü finn-a au cervellu,
quande gioia, dulure e sentimentu,
desgoggian cumme fi dau remescello.

L'è forte e aspiu in bueca du mainà.
sc-cettu e suegiu quande un s' arraggia,
in te l'amù, sumeggia au sciacch'e trà,
su riva finn-a au coeü, l'è in ciou 'n ta miaggia.

L'è l'arbaxia ca sciuscià in tütte é spiagge
l'è cumme u ma, cu baxia oppure u franze
e u cria cumme se sente in te battaggie
quandu se mesc-cia au dùu, u rie e u cianze.

Cumme muxica d'organu, a ciù vea,
u sciorie d'in ta taera è a va sciu in çe,
u resonna pe' l'arcu da rivea. □
teüscegu, amau o duçe cumme amé.

Ghe sentu in tu cantà tütta a bellessa
da vuxe de me mué, anche se stracca,
quande a cantava au sò « puppun de pessa »
cumpagnanduse au franze da risacca.

'Stu parla cu l'è andaetu in tütta u mundu,
limpidu, ciaeu, sinceru cumme i spegi
l'è da sarva, da chi vò dagge fundu,
surtantu pe' rispettu ai nostri vegi.

Ogni parolla pò ese 'na preghiera,
o assende 'n foeügu cumme 'na scintilla,
pe' trascinane tütta in ta buffera,
cumme a priunà du «l'inse» de Balilla.

U nun s'impara all'universitae
perché, senza grammatica e sintassi,
se sciorbe da i tettin de nostre mué
e u se za profussui, cu-i primmi passi.

Dimmulu pure chi, 'n té st'occaxiun
se propriu vuemmu che u parlà nu moeöe,
cuntinuemmu a parlalu, e cun raxiun
mustremmulu ai figgieü anche in t'è schéue.

Mario Sala

Si ringrazia l'archivio storico fotografico Varagine.it per le fotografie d'epoca